

Ilinniartut ineqarfii pillugit Inatsisartutinatsisaat

Kapitali 1

Atuuffissaa aamma nassuaatit

§ 1. Inatsisartut inatsisaat maanna atortinneqassaaq attartortitsigallarnernut, ilinniartut ineqarfiniik, Namminersorlutik Oqartussani atugassiissutigineqartunik tamatumunngaa qinnuteqarnermik tunngaveqartumik, ilinniartunut allaneersunut ineqarnissamik pisariaqartitsisunut, ilinniagaqarnerminnut atatillugu, taamaattoq tak. imm. 3.

Imm. 2. Taaguutigineqartumi ilinniartut allaneersut paasineqassaaq ilinniagaqartut minnerpaamik ilinniakkamik aallartitsinnginnermi ukiuni 2-ni illoqarfip ilinniagaqarfiusussap avataani inuit allattorsimaffianni nalunaarsorseqarsimasut.

Imm. 3. Naalakkersuisut pisuni immikkut ittuni, tamatumanilu minnerunngitsumik pissutsini inunnik ikorsiinissamut attuumassutilinni, inissaqartitsiniarnerup tamanna ajornartinngippagu, ilinniartunut avataaniit aggersuunngitsunut, ilinniartunut inissamik piffissami killilikkami ineqartitsisinhaapput.

§ 2. Ilinniartut ineqarfiat atugassiissutigineqartarpooq piffissap ilinniagaqarfiusup tamarmiusup nalaani, atugassarititaasut kapitalimi 2-mi aalajangersarneqartut naammassineqarsimappata.

§ 3. Naalakkersuisut communalbestyrelsit isumasioreerlugit ilinniartunut ineqarfinnut malittarisassiorsinnaapput communalbestyrelsimit ilinniagaqartunut atugassiissutigineqartartunut ilinniagaqarnermut atatillugu, tamumani aamma piumasaqaatinik atugassarititaasussanillu attartornermut isumaqatigiissummi.

Kapitali 2

Ilinniartumut inissiamik atugassiissuteqartarnermut atugassarititaasut, aamma qinnuteqartunik tulleriaarisarneq

§ 4. Ilinniartunut inissiat taamaallaat atugassiissutigineqarsinnaapput ilinniartunut:

- 1) danskisut innuttaassuseqartunut, imaluunniit nunat akornanni isumaqatigiissutit Kalaallit Nunaanni atortuutinneqartut naapertorlugit danskisut innuttaassusilinnut sanilliunneqartunut, ilinniagaqartunut inissaqartitaanermut piginnaatitaaneq eqqarsaatigalugu,
- 2) ilinniagaqarnerup nalaani aalajangersimasumik Kalaallit Nunaanni najugaqartumut,
- 3) ilinniakkami tiguneqarsimasumut ilinniakkamillu tapiiffigineqarsinnaasumi ingerlatsisumut, imaluunniit ilinniakkami Naalakkersuisut ilinniagaqarnersiutinik tapiiffigineqarsinnaasutut aalajangiiffigisimasaanni ilinniagaqartumut, aamma

4) siusinnersukkut ilinniartut ineqarfiannik attartornerminut akiitsoqangitsumut, imaluunniit ilinniartut ineqarfiannik attartorsimanermut atatillugu allatigut akiitsoqangitsumut, tamatumani aamma pisussaaffinnik sumiginnaasimanermik pissuteqartumik, ilinniartup akilersuinissamut isumaqatigiissutaasimasut eqqortinngippagit.

Imm. 2. Naalakkersuisut, tak. imm. 1, nr. 1 naapertorlugu Kalaallit Nunaannut attaveqavissuunissamik piumasaqaammik saneqqutsisinnaanermik aalajangiisinjaapput, pineqarpat tikeraartutut ilinniartoq Kalaallit Nunaanni ilinniarfimmi, najugaqarnerullu sivisussusaani qaammatit 12-it qaangissangippagit.

Imm. 3. Naalakkersuisut najugaqartuunissamik piumasaqaatip, tak. imm. 1, nr. 2, sanioqqunneqarnissaak auersissutigisinnaavaat, qularnaarneqarpat ilinniartoq Kalaallit Nunaanni aalajangersimasumik najugaqavissusuusq, naak piffissami pineqartumi Kalaallit Nunaata avataani najugaqaraluarluni.

Imm. 4. Ilinniartunut inissiamik tunineqarsinnaaneq atorunnaassaaq imm. 1-imi piumasaqaataasoq ataaseq arlallilluunniit naammassineqarunnaarpata, imaluunniit ilinniartoq ilinniartunut inissiamenajugaqartoq § 5-imi pineqartunut ilaajunnaarpat.

Imm. 5. Ilinniartut ineqarfianni ineqartup ilinniakkamik ingerlatsisuunissamik piumasaqaammik naammassinnikkunnaarpat, malittarisassat tamatumunnga atuuttut naapertorlugit, taava Naalakkersuisut aalajangersinjaapput ilinniartut ineqarfianni ilinniartoq najugaqartoq piffissami qaammatit 4-t angullugit sivissusilimmieqarfianniinngarnarsinnaasoq, pissutsit immikkut ittut tamanna pisariaqartippassuk, tamatumanissaq ilinniarfiup uppernarsarpagu ilinniartoq ineqarfimmi ineqartuusoq, naak malittarisassanik pineqartunik naammassinninngikkaluarluni, suli ilinniakkaminik aallussisutut isigneqarsinnaasoq.

§ 5. Ilinniagaqartoq illoqarfimmi ilinniagaqarfimmini allamik inimik atugassaqartitaasoq, imaluunniit apparisaq imaluunniit inooqatigisaq suliffiminut atatillugu ineqartinneqarpat, pisinnaatitaanngilaq ilinniartutut inissiamik atugassinneqarnissamut, imaluunniit atugarisaminik tigumminniinnarnissamik. Tamanna aamma atuuppoq sulisitsisoq sungiusaammik suliffeqarnermut atatillugu inissaqartitsippat ilinniagaqartumut, imaluunniit ilinniagaqartup ineqartinneqarnissamik pisariaqartitsinera nammineq pisariaqartitanik aallaaveqarpat.

§ 6. Ilinniartoq ilinniagaqartunut inissiamik tunineqarsinnaajumalluni, tamatumalu atuinnarsinnaaneranut Naalakkersuisunut nalunaaruteqassaaq paasissutissanik tamanik, inissiamik tunineqarnissamut imaluunniit inigisamik tigumminniinnarnissamut pisariaqartunik, tamatumunngalu akiliuteqartarnermut pisariaqartunik, tamatumani aamma inimik pisariaqartitsinermut paasissutissanik, inuup normuanik aamma inoqutigiinni ilaasut tamarmik atiinik, inoqutigiit isertitaannik, ilinniakkamik sumitiguneqarsimanermik, ilinniakkamik ingerlatsinermik, aamma illoqarfifup ilinniarfiup avataani najugaqartarnermik.

Imm. 2. Ilinniartoq ingerlaannartumik Naalakkersuisunut nalunaaruteqassaaq, imm. 1-imi pissutsini pineqartuni allannguuteqartoqarnerani.

§ 7. Naalakkersuisut aalajangersaasinnaapput malittarisassanik innersuussisarnermut innersuussinissamullu tulleriaarisarnermut atugassarititaasunik, tamatumani aamma ilinniartunik allanik avataaneersuunngitsunik tulleriaarisarnermut tunngatillugu.

Kapitali 3

Allaffissorneq

§ 8. Inatsisartut inatsisaat aamma malittarisassat taanna naapertorlugu suliaasut (ilinniartut ineqarfiinut malittarisassat) Naalakkersuisunit allaffissornikkut aqunneqarput, akisussaasuusunit attartortitsisarnermut ilinniartullu ineqarfianni ineqarnerup atorunnaarsinneqartarneranut, ilinniartut ineqarfiinut tunngatillugu malittarisassat naapertorlugit, taamaattoq tak. imm. 2 aamma 3.

Imm. 2. Naalakkersuisut tamakkiisumik imaluunniit ilaannakuusumik ilinniartut ineqarfiinik allaffissornikkut aqutsineq Namminersorlutik Oqartussat iluanni oqartussaasunut ingerlatsivinnullu allanut suliassangortissinnaavaat.

Imm. 3. Naalakkersuisut allatanik isumaqtigijiissuteqarnikkut allaffissornikkut ilinniartut ineqarfiinik malittarisassat tamakkiisumik ilaannakuusumilluunniit communalbestyrelsimit imaluunniit suliffeqarfimmut namminersortumut suliassangortissinnaavaat.

Imm. 4. Pisortat, ingerlatsiviit aamma suliffit namminersortut imm. 1-3-mi eqqaaneqartut, pisinnaapput 1) pisortatut oqartussaasunit ilinniagaqartut pillugit paasissutissanik aallernissamut, ilinniagaqartut ineqarfiinut malittarisassat naapertorlugit allaffissornikkut ingerlatsinermut pingaaruteqartunik, aamma 2) akunnerminni paasissutissanik ingerlatitseqqissinnaapput, ilinniartut ineqarfiinik allaffissornikkut aqutsinermut pingaaruteqartunik, akunnerminnilu paasissutissat taamaattut atorsinnaallugit.

Imm. 5. Naalakkersuisut aalajangersagaliorsinnaapput allaffissornikkut aqutsineq pillugu, tamatumani aamma ilusissanik piffissalersuinernillu qinnuteqartarnermi, aamma ilinniartut ineqarfiinik ingerlatsinermi, tamatumani aamma imm. 1-3 naapertorlugit suliassanik isumaginninnernut, ineqartunut siunnersuisoqatigiinni sorianut immikkut akissarsiaqartitsisarnermut, aamma paasissutissanik piniarternernut, atugassisarnermut ingerlatitseqqittarnermullu, tak. imm. 4.

Imm. 6. Aalajangersakkat pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni atuupput, imm. 3-mi eqqaaneqartunut suliffinnut namminersortunut, taakkua Inatsisartut inatsisaat manna imaluunniit malittarisassat Inatsisartut inatsisaat naapertorlugu suliaasut naapertorlugit tamakkiisumik imaluunniit ilaannakuusumik ilinniartut ineqarfinut malittarisassat naapertorlugit ilinniartut ineqarfiinik allaffissornikkut aqutsisutinnejarpata.

§ 9. Ilinniartut ineqarfiinik allaffissornikkut aqutsinermi, tak. § 8, ilaapput ulluinnarni ilinniartut ineqarfiinik aqutsineq aamma ilinniartut ineqarfiini ataasiakkaani namminerni suliassat, ilinniartut ineqarfiinut atuuttut malittarisassat naapertorlugit.

Imm. 2. Ilinniartut ineqarfinut allaffissornikkut malittarisassat aqunneqarneranni qularnaarneqassaaq ilinniartut ineqarfisa isumannaatsumik ingerlanneqarnissaat, ilinniartullu ineqarfiinik ingerlatsineq sapinngisamik pitsaanerpaamik isumagineqassasoq.

Imm. 3. Allaffissornikkut aqutsinermi ineqartut soqutigisaat pitsaanerpaamik isumagineqassapput.

§ 10. Naalakkersuisut ilinniartut ineqarfikkaartumik ileqqorissaarnissamut malittarisassanik aalajangersaassapput, atortuulertartussanik ineqartunut saqqummiunneqareeraangamik.

Imm. 2. Ileqqorissaarnissamut malittarisassat, tak. imm. 1, Naalakkersuisunit akuerineqareernerminni pisortanit, ingerlatsivinnit aamma namminersortut suliffiutaannit aalajangerneqarsinnaapput

atuuttussatut, tak. § 8, imm. 2 aamma 3.

Imm. 3. Naalakkersuisut ileqqorissaarnissamut malittarisassiorsinnaapput, tamatumani aamma ileqqorissaarnissamut malittarisassat unioqqutinneqarnerini kinguneritinneqartartussat mianersoqqussuteqarnikkut imaluunniit anisitaanikkut pisartussat pillugit

§ 11. Naalakkersuisut pilersissinnaavaat utaqqisunut allassimaffik, ilinniartut ineqarfinti ineqartut qanoq sivisutigisumik ineqartuusimaneri aamma inissamik pisariaqartitsineri aallaavigalugit.

Imm. 2. Ilinniartut ineqarfinti iluani utaqqisunut allattorsimaffimmik pilersitsisoqartarpas, ilinniartut ineqarfintut allaffiup aalajangersassavai tamanullu takusassiaralugit utaqqisut allassimaffianni inissinneqartarnermut atugassarititaasut.

Kapitali 4

Ineqartut siunnersuisoqatigiivi

§ 12. Ilinniartut ineqarfinti ataasiakkaani Naalakkersuisut ilinniartut siunnersuisoqatigiivi pilersissinnaavaat, taakkualu suliassarissavaat:

- 1) aaqqissuuttarnissaat aamma agguattarnissaat ulluinnarni ilinniartut ineqarfinti najugaqartut akornanni suliassat,
- 2) qularnaassallugu ilinniartut ineqarfinti najugaqartut ulluinnarni toqqisisimasunik killiliussanik atugassaqartitaanissaat,
- 3) nakkutigissallugu ilinniartut ineqarfinti ileqqorissaarnissaq, aamma
- 4) nakkutigisarissallugu illup aserfallatsaalinerata paarineqarneratalu ajunngitsuunissaa.

Kapitali 5

Attartornermut isumaqatigiissuteqarneq kiisalu ineqarnermut akiliummik annertussusiliisarneq akiliisarnerlu, atuineq aamma qularnaveeqqusiiissut

§ 13. Ilinniartut ineqarfannik attartorneq pillugu isumaqatigiissuteqarneq pissaaq attartornermut isumaqatigiissummi naqitami Naalakkersuisunit akuerisaasumi. Attartornermut isumaqatigiissummi ilaassaaq pequtit allassimaffiat takussutissiaq.

Imm. 2. Ilinniartut ineqarfinti ineqartup kingusinnerpaamik iserternermini attartornermut isumaqatigiissut atsiussavaa.

Imm. 3. Ilinniartut ineqarfinti ineqartup attartornermut isumaqatigiissumvik atsiuinerminut atatillugu ilinniartut ineqarfinti ileqqorissaarnissamut malittarisassat assilineqarnerannik tunineqassaaq.

§ 14. Attartornermut isumaqatigiissuteqarnermi attartornermut atatillugu qularnaveeqqusiiissutit qaammammut akiliutissaq akilerneqassaaq, atugassanngortinneqartussaq ilinniartut ineqarfinti najugaqartup ineqarfimmiit nuunnermini pisussaaffigisaanut.

§ 15. Ineqarnermut akiliut aamma qularnaveeqqusissut aningasanut inatsimmi annertussusilerneqassapput.

§ 16. Ilanniartut ineqarfianni najugaqartoq ineqarnermut akiliutissamik qaammatikkaartumik siumoortumik akiliisassaaq, piffissami ineqarnermut isumaqtigiissutaasumi aalajangersakkat naapertorlugit, taamaattoq tak. imm. 4.

Imm. 2. Akiliineq pisassaaq kingusinnerpaamik ullup akiliiffissap qaangiunnerani ulluinnaat pingajuata qaangiutinnginnerani. Ulloq maanna nalliuuttuuppat imaluunniit arfininngorneruppat, ulluinnarmi tulliuttumi akiliineq piffissamik eqquisutut isigineqassaaq.

Imm. 3. Naalakkersuisut akiliiffissamik innersuussissapput, taamaattoq tak. imm. 4. Akiliiffissamik innersuussisoqarsimanngippat ineqarnermut akiliutissaq ilinniagaqartut ineqarfiinut allaffiup najugaanut akilerneqassaaq. Aningaaserivimmut imaluunniit allakkerivimmut akiliineq akiliiffissamut innersuuneqartumut akiliinertut isigineqassaaq.

Imm. 4. Ilanniartut ineqarfianni najugaqartoq ilinniagaqarnersiutinik pisartagaqarpat Naalakkersuisut ineqarnermut akiliut ilinniagaqarnersiutiniit ilanngaatigisinnaavaat, tak. § 26, imm. 1, nr. 1 aamma 2 Ilinniagaqarnersiuteqarneq pillugu Inatsisartut inatsisaanni.

Kapitali 6

Ilinniartup ineqarfiata angissusissaa pitsaassusissaalu

§ 17. Ilanniartumut inissiamik atugassiinermi isiginiarneqassapput ilanniartumut inissami ineqartumut malinnaasut inoqutigiit, ilinniagaqartup meerai 18-it inorlugit ukioqarpata, aappaal imaluunniit inooqatigisaa pisinnaatitaammata akiliunneqarlutik angalasinnaanermut, tamatumunnga malittarisassat ilinniagaqarnersiuteqarnermut malittarisassani naapertorlugit, taamaattoq tak. imm. 2.

Imm. 2. Ilanniartut ineqarfianni ineqartup piumasarisinnaanngilaq ineqarfingisap aalajangersimasumik angissuseqarnissaa aamma pitsaassusissaa, tamatumani aamma nammineq immikkut ilinniartutut ineqartinneqarnissi imaluunniit ilinniartunut inissiap pequsersugaareernissaa imaluunniit pequsersugaannginnissaa, taamaattoq tak. imm. 1, § 18, imm. 2, aamma § 19.

§ 18. Naalakkersuisut ilinniartut ineqarfiannik ilinniartumut ineqartussamut atugassiissapput piffissamiit attartornerup aallartiffissaatut isumaqtigiissutigineqartumiit.

Imm. 2. Ilinniartumut inissiaq attartorfiup aallartinneqarani isumannaatsuussaaq pissusissamisoortumillu pitsaassuseqassalluni.

§ 19. Naalakkersuisut malittarisassiorsinnaapput ilinniartumut inissiap qanoq pitsaassuseqarnissaa attartornerup aallartinnerani pillugu, tamatumani aamma pequsersugaanissaanut, atortulersugaanissaanut aamma matuersaatinut tunngasuni.

§ 20. Ilinniartunut inissiaq attartornerup aallartinnerani amigaateqarpat, taava ilinniartup ineqartup Naalakkersuisut amigaataasut pillugit nalunafigissavai kingusinnerpaamik attartornerup aallartinneraniit ullut 14-it qaangiutinnginneranni. Tamannali atuutinngilaq amigaataasut paasineqarsimasinnaanngippata nalinginnaasumik malussarniarnikkut, tak. aamma § 37.

Imm. 2. Naalakkersuisut ilinniartut ineqarfianni najugaqartoq pisussaafflersinnaanngilaat amigaataasunik iluarsaaqqullugu, ilinniartut ineqarfianni najugaqartup iserternerminiit ullut 14-it qaangiutinnginneranni Naalakkersuisunut erseqqissaatigereersimasaanik.

Kapitali 7

Aserfallatsaaliiineq aamma iluarsaasarniq

§ 21. Naalakkersuisut isumagissavaat ilinniartut ineqarfianni sumiiffit ataatsimoorussat isumannaatsumik aserfallatsaalineqarnissaat.

Imm. 2. Naalakkersuisut pisussaaffigaat teknikkimut tunngasumik atortulersuutit, kuuffinnut, kiassarnermut, innaallagissamut, gas-imut aamma imermut atortut pitsasumik atorsinnaassuseqarnissaasa nakkutigineqarnissaat. Assigisaanillu Naalakkersuisut pisussaaffigaat innaallagissamut ikkuffit, naqqup sinaani iikkiussat, matserfit, kiassaatit, ruujorit, skaaviit iikkamiittut, pequtit, atortut allallu aserfallatsaalineqarnissaat.

Imm. 3. Nutarterisarnerit imaluunniit allatut iluarsaasarnerit ajorsisoqarneratigut nungullartunilluunniit Naalakkersuisunit isumagitinneqartassapput akuttunngitsumik, pisariaqassusianut ilinniartut ineqarfiata qanoq ittuunera naapertorlugu.

§ 22. Ilinniartut ineqarfianni najugaqartup ingerlaannartumik ajoqutit Naalakkersuisunut nalunaarutigisassavai.

§ 23. Ilinniartut ineqarfianni najugaqartup pissutissaviusumik pissuteqanngitsumik Naalakkersuisut itigartissinnaanngilai ilinniartut ineqarfiannut takusaanissaannik, taakkua:

- 1) ilinniartut ineqarfiat misissorniarpassuk, allannguutaasimasinaasut takujumallugit,
- 2) aserfallassimassutsimik nakkutilliinermi,
- 3) iluarsagassanik suliaqarniarlutik, imaluunniit
- 4) ilinniartut ineqarfiat misissorumallugu attartorteqqinnejalinnginnerani.

Imm. 2. Misissuinermi nakkutilliinermiluunniit paasineqarpat paarerlerlusoqarsimasoq, ilinniartut ineqarfianni ineqartup ingerlaannartumik ajoqusikkat iluarsaatissavai, tamanna Naalakkersuisunit piumasarineqarpat.

Imm. 3. Naalakkersuisut siumut sap. ak. 2-nik ilisimatitsillutik ilinniartut ineqarfianni iluarsaneq aallartitsissinnaavaat. Taamaattoq Naalakkersuisut qaqugukkulluunniit siumoortumik nalunaaruteqaratik iluarsagassanik kinguartinneqarsinnaanngitsunik suliaqarsinnaapput.

Imm. 4. Suliaq sunaluunniit Naalakkersuisunit aallartinneqartoq akornuserneqanngitsumik suliarineqassaaq, sapinngisamik annertunerpaamik ilinniartunik ineqartunik soqutigittartumik. Naalakkersuisut ingerlaannartumik iluarsaaqqinnerit suliarisassavaat.

Kapitali 8

Ilinniartut ineqarfianni ineqartup ineqarfimmik atuinera

§ 24. Ilinniartut ineqarfianni ineqartut, kiisalu inuit ilinniartunit ineqarfinnut isersinnaatitaasut ileqqorissaarnissamik malittarisassanik ilinniartut ineqarfiannut atuuttunik eqquutitsissapput, tak. § 10.

§ 25. Ilinniartut ineqarfianni ineqartup ineqarfik isumannaatsumik atugarissavaa, ajoqusiinernullu taarsiisussatut akisussaaffeqluni, nammineq, inoqutimi akornanni imaluunniit ilinniartut ineqarfiannut

isersinnaatitaminiit illorsorneqarsinnaanngitsumik pissusilfersortoqarnerinut.

§ 26. Ilanniartut ineqarfianni ineqartup pisussaaffigaa nammineq aningaasartuutigissallugu imminut ilinniartut ineqarfiannut suliffiup nalinginnaasup avataani mattussimaguni iserniarnini.

Imm. 2. Ilinniartut ineqarfianni ineqartup ineqarfimmut matuersaat annaasimaguniuk, matuersaammut nutaamut aningaasartuutit nammineq akilissavai.

§ 27. Ajoquisiisoqarpat ajutoornikkut ilinniartut ineqarfiata ilaani Naalakkersuisut eqqiluitsuutitassaanni, ilinniartut ineqarfianni ineqartup ingerlaannartumik Naalakkersuisut tamanna pillugu nalunaarfifgissavai.

§ 28. Ilinniartut ineqarfianni ineqartup ineqarfik Naalakkersuisunit akuerineqanngitsumik allamut atorsinnaanngilaa, tamatumani aamma:

- 1) ilinniartut ineqarfianni inisimasoqarluni,
- 2) ilinniartunut inissiaq allanut atugassiissutigisinnaanagu,
- 3) inissiaq allanut attartortillugu, imaluunniit
- 4) ilinniartunut inissiami ineqartorlu alla inigisanik paarlallutik.

§ 29. Inerteqqutaavoq ilinniartut ineqarfianni ineqartup Naalakkersuisunit akuerineqanngitsumik:

- 1) Ilinniartut ineqarfianni atortulersuutinik allannguisinnaanera, taamaattoq tak. § 30.
- 2) Uumasuuteqarneq.
- 3) Nassarnissaat toqqortarinissaallu aallaasit ilinniartut ineqarfianni, tamatumani aamma nammineq ilinniartutut inigisami. Aallaasit akuerisaasut nassarneqartut toqqortarineqassapput skaavimmi parnaartartumi Naalakkersuisuni.

§ 30. Ilinniartut ineqarfianni najugaqartoq siumoortumik Naalakkersuisunut isumaqtigiissuteqareernikkut pisinnaatitaavoq nammineq akilikkaminik atortorissaarutinik nalinginnaasunik ilinniartunut ineqarfimmi ikkussuunissaminut, internet-imut attavimmik, tv-mut attavimmik aamma innaallagissiuutitalinnik attavinnik allanik, taamaattoq tak. imm. 2. Naalakkersuisut akuersissummut ilanggullugu aalajangiisinjaapput atugassaritaasunik, tamatumani aamma atortulersuutit ikkunneqannginneranni pissutsinut utertitseqqinnissamut.

Imm. 2. Ilinniartut ineqarfianni ineqartup pisinnaatitaanera imm. 1 naapertorlugu atutissanngilaq Naalakkersuisut nalunaarutigippassuk ilinniartut ineqarfianni innaallagissiuutit naammattumik atorsinnaassuseqanngitsut, imaluunniit atortulersuutit ineqarfimmut tassaniluunniit najugaqartunut ajoqutaassasut.

§ 31. Ilinniartut ineqarfianni najugaqartoq siumoortumik Naalakkersuisuniit allaganngorlugu akuersissuteqarfingeqartoq ikorsiissutit atortulersuutinik ikkussuunissaavoq, soorlu aggersasarnermi attaveqaatinik, usilorfimmik pilersitsineq, uffarfimmik allannguilluni suliaqarneq imaluunniit immikkut aaqqiissusiineq, igaffik aamma matut isumaginninnermut tunngasumik inatsisit naapertorlugit. Naalakkersuisut akuersissuteqarnerminnut atatillugu piumasaqaatigisinnaavaat ilinniartut ineqarfianni ineqartup ineqarfimmik qimatsilernermini pissutsit isikkorisimasaannut uterteqqissagai, tamatumalu akuerineqannginnerani kommunalbestyrelsimiit qularnaveeqqusiissumvik piniartoqarsimanissa,

pissutsit isikkorisimasaannut uterteqqinnissaannut ilinniartunut ineqarfimmi najugaqartup aninerani aningaasartuutinut matussutissat pillugit.

§ 32. Ilinniartut ineqarfianni najugaqartoq ineqarfimmiit nuussinnaanngilaq sumoortumik Naalakkersuisunut isumaqatigiissuteqarani, tak. § 40, imm. 1, nr. 4.

Imm. 2. Imm. 1-imik eqquutitsinnginnermi ilinniartut ineqarfianni najugaqartoq ineqarnermut akilummik akiliisussaatitaassaaq, attartornermut isumaqatigiissutip eqqortumik piffissaliilluni atorunnaarsinnissaanik nalunaaruteqarnissami tungaanut, tak. § 36, imm. 1.

Kapitali 9

Atuisinnaatitaanerup allanut tunniunneqarnera

§ 33. Naalakkersuisut pisinnaatitaapput pisariaqartikkunikku ilinniartut ineqarfianni najugaqartoq inissamik allamik innersuussinnaallugu, annertuunik iluarsaanernik ineqarfimmi suliaqartoqassatillugu, imaluunniit ilinniartut ineqarfianni najugaqartut inoqtigiiit ilaat ilinniartup ineqarfianit nuussimappata.

§ 34. Ilinniartut ineqarfianni najugaqartoq piffissami aalajangersimasumi sungiusaammik suliffegarallartussaaguni, imaluunniit ilinniariartussaaguni illoqarfup ilinniagaqarfusup avataani, pisussaavoq ilinniartutut najugaqarfigisaminik peqannginnermini Naalakkersuisunut atugassiinissamut, ilinniartut ineqarfianni najugaqartoq ilinniartoq minnerpaamik qaammatit marluk peqanngittussaaguni. Tamannali atutissanngilaq ilinniartup illoqatigisaani inoqtigiiinni ilaappata meeqqat 18-it inorlugit ukiullit, aapparsaq imaluunniit inooqatigisaq, akiliunneqarlutik angalasinnaatitaasut, ilinniagaqarnersiuteqarnermut malittarisassat atuuttut naapertorlugit.

Imm. 2. Ilinniartut ineqarfianni najugaqartup ilinniartutut inigisaminik Naalakkersuisunut atugassiisussa, tak. imm. 1, peqannginnermini ineqarnermut akiliuteqassanngilaq.

Imm. 3. Ilinniartut ineqarfianni najugaqartup ineqarfifigisaminik Naalakkersuisunut atugassiisussa, tak. imm. 1, pequtiminik Naalakkersuisut aaqqissuussaannik toqqortaritsisinnaavoq, ilinniartut ineqarfiat atugassiissutigineqarsimasoq atugassiinermi pequsersugaanngippat.

§ 35. Ilinniartup ineqarfia atugassiissutigalugu tunniunneqarsinnaanngilaq ilinniartup najugaqartup appaanut imaluunniit inooqataanut, taamaattoq tak. imm. 2.

Imm. 2. Atuisussaatitaanerup allamut tunniunneqarnera imm. 1 naapertorlugu, taamaallaat pisinnaavoq nutaamik ilinniartunut inissiamik Naalakkersuisunut qinnuteqareernikkut. Inissiamik atugassiissuteqarneq taamaallaat pisinnaavoq tunngavigalugu aappaasup imaluunniit inooqataasup ilinniartut ineqarfiannik atugassinneqarnissamut piumasaqaataasunik naammassinnissimanerani.

Kapitali 10

Taamaatitsineq aamma atorunnaarsitsinea

Ilinniartut ineqarfianni najugaqartup taamaatitsinera aamma atorunnaarsitsinera

§ 36. Taamaatitsineq ilinniartut ineqarfianni najugaqartup tungaaniit pissaaq allaganngorlugu minnerpaamik qaammammik ataatsimik siumoortumik ilisimatitsinikkut, attartornermut isumaqatigiissutaasumi sivikinnerusumik piffissaliisoqanngippat.

Imm. 2. Ilinniartut ineqarfianni najugaqartup piffissap sinnerani ineqarnermut akiliutaasussat akilertussaavai, ilinniartut ineqarfiani najugaqartoq ineqarfimmuit nuuppat piffissaq isumaqatigiissutaasoq sioqqullugu.

Imm. 3. Ilinniartut ineqarfianni najugaqartoq inigisamiit nuuppat piffissaq isumaqatigiissutaasoq sioqqullugu, imaluunniit suli taamaatitsinissamut piffissaliussaasoq naangitsoq, taava Naalakkersuisut anguniassavaat ilinniartunut inissiap sapinnigisamik sukkasuumik allamut attartortilernissaa.

Ineqarnermut akiliutit attartortitseqqilernikkut imaluunniit attartortitseqqilertoqarsimasuuppat isertinneqartussat ilanngaatigineqassapput Naalakkersuisut piumasaqaatissaanni ilinniartumut ineqarfimmuit anisumiit.

§ 37. Ilinniartunut inissiaq piffissap attartoriusup aallartinnerani amigaateqartitserpat, tak. §§ 18 aamma 20, ingerlaannartumillu Naalakkersuisut amigaataasut iliuuseqarfinginngippatig, imaluunniit piffissap naapertuuttup iluani iliuuseqarfingineqarsinnaanngippata, ilinniartut ineqarfianni najugaqartup attartornermut isumaqatigiissut atorunnaarsissinnaavaa, amigaataasut pingaaruteqartutut isigineqarpata. Amigaataasut iliuuseqarfingineqarpata ilinniartut ineqarfianni najugaqartup attartornermut isumaqatigiissutaasoq suli atorunnaarsinngikka, ilinniartut ineqarfianni najugaqartup kingusinnerusukkut amigaataasimasut attartornermik isumaqatigiissummik atorunnaarsitsinermut pissutaatissinnaanngilai.

Naalakkersuisut taamaatitsinerat aamma atorunnaarsitsinerat

§ 38. Naalakkersuisut attartornermut isumaqatigiissut ilinniartut ineqarfianni najugaqartumut atorunnaarsittassavaat ilinniagaq imaluunniit ilinniarfimmuinneq naamassippat imaluunniit unitsinneqarpat, imaluunniit ilinniartut ineqarfianni najugaqartup ilinniartut ineqarfianni najugaqarnissamut piumasaqaatit naamassiunnaarpagit, taamaattoq tak. imm. 3 aamma § 49, imm. 2. Ilinniakkamik ingerlatsinnginneq tamatumani ilinniakkamik taamaatitsinertut isigineqassaaq, soorluttaaq taamaatitsineq orlov-eqarnikkut, tamatumani aamma naartunermut meerartaarnermullu atatillugu sulinngiffeqarneq ilinniakkamik taamaatitsinertut isigineqassasut, taamalu ilinniartut ineqarfianni najugaqarsinnaajunnaarnertut, tak. imm. 2.

Imm. 2. Ilinniakkamik, ilinniarfimmuinermik, sungiusaammik suliffeqarnermik naamassisqaqnermi, ilinniarfimmi ilinniakkamik taamaatitsinermi ilinniartut ineqarfianni najugaqartoq nooreersimassaaq ulluinnaat 10-t qaangiutinnginnerini, ilinniakkap, sungiusaammik suliffeqarnerup imaluunniit uninnerani imaluunniit taamaatinnerani, taamaattoq tak. imm. 3.

Imm. 3. Ilinniartut ineqarfianni najugaqartoq ilinniakkamit anisitaaguni anisitaanerlu naammagittaallitigalugu allaffissornikkut oqartussanut allanut, taava ilinniartut ineqarfianni najugaqartoq pisinnaatitaavoq inigisaminiiginnarnissaminut, anisitaaneq pillugu inaarutaasumik aalajangertoqarnissaata tungaanut.

§ 39. Naalakkersuisut § 38-mi periarfissat eqqaaneqartut avataasigut ilinniartut ineqarfianni najugaqartoq najugaqarfianiit anisussanngorlugu isumaqatigiissut atorunnaarsissinnaavaat, tak. § 49, imm. 2, ilinniartut ineqarfianni najugaqartoq allaganngorlugu mianersoqqusissuteqartoqareernerata kingorna

- 1) ilinniartutut inigisani isumannaatsumik periaaseqarfingisimanngippagu, tak. § 25,
- 2) § 29-imi aalajangersakkat unioqqutissimappagit,
- 3) pitsaasumik ileqqoqarnissaq pissusilersonissallu periuserisimanngippag, tamatumani aamma ileqqorissaarnissamut malittarisassat, tak. § 24, imaluunniit ineqartunut allanut akornutaappat, naak pissusilersonera ingasattajaarnerunngikkaluartoq, annersaanertaqartumik imaluunniit aserorterinertaqartumik, tak. §§ 40 aamma 41, Naalakkersuisut attartornermut isumaqatigiissummik atorunnaarsitsisinnaafffigisaannik.

Imm. 2. Naalakkersuisut imm. 1 naapertorlugu atorunnaarsitsinerat allaganngorlugu suliaassaaq.

§ 40. Naalakkersuisut attartornermut isumaqatigiissut atorunnaarsissinnaavaat, tak. § 49, imm. 2, pisuni imaattuni:

- 1) Ineqarnermut akiliutissamik akiliisoqartanngippat, tak. § 16, imm. 1.
- 2) Ilinniartut ineqarfianni najugaqartup inigisani isumannaatsumik periaaseqarfingisimanngippagu, tak. § 25.
- 3) Ilinniartut ineqarfiat isumaqatigiissutaasut avataatigut atorneqarp, tak. § 28.
- 4) Ilinniartut ineqarfianni najugaqartoq inigisamiit nuuppat Naalakkersuisunut isumaqatigiissuteqarani, tak. § 32.
- 5) Naalakkersuisunit akuerineqanngitsumik aallaasinik ilinniartut ineqarfianni toqqortaqartoqarp, tak. § 29, nr. 3.
- 6) Ilinniartut ineqarfianni najugaqartup akornusersorpagu Naalakkersuisut ilinniartut ineqarfiannut isersinnaanerat, § 23 naapertorlugu.
- 7) Ileqqorissaarnissamut malittarisassat ingasattajaartumik unioqqutinneqarpata, tak. § 24.
- 8) Atortut imaluunniit pequtit ilinniartut ineqarfianni najugaqartumut atugassiissutigineqartut attartornermut isumaqatigiissummut atatillugu sumiginnarneqarpata. Tamanna aamma atuuppoq atortunut pequtinullu ilinniartut ineqarfianni inini ataatsimoorussaniittut pineqartillugit.

§ 41. Naalakkersuisut attartornermut isumaqatigiissut atorunnaarsissinnaavaat ingerlaannartumik atulertumik, ilinniartut ineqarfianni najugaqartoq pissusilersonpat annertuumik ineqarfimmumt akornutaasumik, ilinniartut ineqarfianni najugaqartunut allanut, ilinniartut ineqarfianni sulisunut aamma allanut ilinniartut ineqarfianniissinnaasunut, tamatumani aamma:

- 1) ilinniartut ineqarfianni najugaqartoq annersaappat imaluunniit annersaanialuni siorasaarippat,
- 2) ilinniartut ineqarfianni najugaqartup pissusilersonera avatangiisuni ulorianartorsiortitsippat, tamatumani aamma sakkunik atuinikkut imaluunniit ilinniartut ineqarfiannut ulorianaatilinnik toqqortaqarnermigut, imaluunniit,
- 3) paasineqarpat ilinniartut ineqarfianni najugaqartoq tigumiaqartoq imaluunniit atuisoq aangajaarniutinik nakorsaatitut atorneqanngitsunik.

Imm. 2. Kiisalu aamma attartornermut isumaqatigiissummik atorunnaarsitsisoqarsinnaavoq ingerlaannartumik atuutilersumik, pissusilersoneq imm. 1-imi pineqartoq ingerlanneqarp, ilinniartut ineqarfianni najugaqartup inoqutigisaanit imaluunniit allanit ilinniartut ineqarfianni najugaqartup ineqarfimmumt isersinnaatissimasaanit.

§ 42. Naalakkersuisut attartornermut isumaqatigiissut atorunnaarsippassuk, tak. §§ 40 aamma 41, taava ilinniartut ineqarfianni najugaqartoq ingerlaannartumik ilinniartut ineqarfianniit nuussaaq, aammalu ineqarnermut akiligassat akilissallugit, aningaasartuutillu allat attartornermut isumaqatigiissummut atasut, piffissami ilinniartut ineqarfianni najugaqartup aninissaata tungaanut atuuttut, nalinginnaasumik ilisimatitsinikkut nuunnissami, tak. aamma imm. 3. Taamaattoq pisumi namminermi naliliineq tunngavigalugu Naalakkersuisut nuunnissamik kinguartitsinnaapput ullut 5-it angullugit.

Imm. 2. Attartornermut isumaqatigiissummik atorunnaarsitsineq pissuteqarpat aangajaarniutinik tigumiarnermik imaluunniit toqqortaqarnermik, annersaanermik imaluunniit tamanna pillugu sioorasaarinermik, tak. § 41, imm. 1, nr. 1 aamma 3, taava Naalakkersuisut piumasarisinnaavaat ilinniartut ineqarfianni najugaqartup ingerlaannartumik atulersumik ilinniartut ineqarfiat qimassagaa.

Imm. 3. Ilinniartullu ineqarfianni najugaqartup aammattaaq taarsiivigissavai annaasaqarnerit suulluunniit, unioqqutitsinermik pissuteqartut, tamatumani aamma ilinnartup ilinniartut ineqarfianniit anisitaanerani aningaasartuutaasut.

Imm. 4. Naalakkersuisut anguniassavaat ilinniartut ineqarfiata allamut attartorteqqinnissaa.

Ineqarnermut akiliutit isertitat Naalakkersuisunut akilerneqartut imaluunniit akilerneqartussagaluit, piffissami imm. 1-impi pineqartumi, ilinniartut ineqarfianni najugaqarsimasumut piumasaqaataasunit ilanngaatigineqassapput.

§ 43. Attartornermut isumaqatigiissummik taamaatitsinermi aamma atorunnaarsitsinermi §§ 38-41 naapertorlugit Naalakkersuisut pisussaaffeqanngillat ilinniartut ineqarfianni najugaqartup inissarseqqinnissaanik.

Imm. 2. Naalakkersuisut attartornermut isumaqatigiissummik ingerlaannartumik atortuulersumik atorunnaarsitsinerminni § 41, imm. 1, nr. 1 aamma 3 naapertorlugit ilinniartut ineqarfianni najugaqarsimasoq ilinniartut ineqarfiannik attartorsinnaajunnaarallartissinnaavaat piffissami aalajangersimasumi ukioq ataaseq qaangernagu sivisussuseqartumi.

Kapitali 11

Ilinniartut ineqarfianni najugaqartup nuunnera

§ 44. Ilinniartut ineqarfianni najugaqartup ineqarfimmik qimatsinermini ilinniartut ineqarfiat utertissavaa iserternermisulli pitsaassuseqartillugu.

Imm. 2. Naalakkersuisut inigisamik qimatsinermi attartornermut isumaqatigiissut naapertorlugu qularnaveeqqusissutit akiliutaasut atorsinnaavaat ilinniartut ineqarfianni najugaqarsimasup pisussaaffiinut aningaasartuutinut matussutissatut, iluarsaanermut, attartukkap eqqiarneqarneranut, inigisamullu akiitsusinnaasut akiitsulluunniit allat ilinniartut ineqarfiannut tunngasut aningaasartuutiginerinut.

§ 45. Ilinniartut ineqarfianni najugaqartup nuunneranut atatillugu Naalakkersuisut inigisap misissorneqarsimaneranut nalunaarusiamik suliaqassapput, tassanilu nalunaarneqassapput amigaataasut aamma paarinerluineq Naalakkersuisut isumaat naapertorlugu ilinniartut ineqarfianni najugaqarsimasup akisussaaffigisai. Misissuisimanernut nalunaarusiaq imaqassaaq allaganngorlugit missingersuusianik

suliassanut Naalakkersuisut naliliinerat naapertorlugu ilinniartut ineqarfianni najugaqarsimasup akiligassaannik suliarineqartussanik.

Imm. 2. Naalakkersuisut patsisigippassuk amigaateqartoq imaluunniit paarinerluisoqarsimasoq ilinniartunut inissiamik qimanneqartumik, taava Naalakkersuisut tamanna uppernarsaasissavaat immikkut pappialatigut, assersuutigalugu assilisatigut, video-mik immiussakkut imaluunniit inunnik uppernarsaasuliinikkut.

Imm. 3. Kingusinnerpaamik ilinniartut ineqarfianniit nuuttoqarneraniit sap. ak. ataaseq qaangiuppat misissuisimanermut nalunaarusiaq ilinniartut ineqarfiannik qimatsisimasumut ilinniartumut nassiunneqassaaq. Ilinniartut ineqarfianni najugaqarsimasup misissuisimanermit nalunaarusiapi marisai isumaqtigingikkunigut sap. ak. ataaseq qaangiutsinnagu ilinniartut ineqarfianni najugaqarsimasup oqaaseqaatigiumasani nassiussimassavai, taakkualu Naalakkersuisut nalunaarusiami ilanngutissavaat.

§ 46. Ilinniartut ineqarfianni najugaqarsimasoq misissuisimanermut nalunaarusiamut oqaaseqaatinik nassiussaqanngippat, tak. § 45, imm. 3, taava Naalakkersuisut pisinnaatitaassapput misissuisimanermit nalunaarusiaq tunngaviutissallugu ilinniartut ineqarfianni najugaqarsimasup qularnaveeqqusiiressutaasa iluarsaanermi aningasartuutinut matussutaatinnissaanut, tak. § 44, aammalu ilinniartut ineqarfianni najugaqarsimasup attartornermut isumaqtigiisummut atatillugu aningasartuutaanut matussutitut atornissaannut.

§ 47. Ilinniartut ineqarfianni najugaqarsimasup kingusinnerpaamik nuunnerminiiit ullut 8-t qaangiutinnginneranni allaganngorlugu Naalakkersuisunut nalunaarutigissavaa najugaq nalunaarutit il.il. ingerlatinneqartarfissaat.

§ 48. Naalakkersuisut akisussaanngillat pigisanut ilinniartut ineqarfianni najugaqarsimasup qimataanut.

Imm. 2. Naalakkersuisut ilinniartut ineqarfianni najugaqarsimasumut nuussimasumullu minnerpaamik sap. ak. ataatsimik piffissaqartitseerelutik pigisat aaneqarnissaannut, pigisat igitissinnaavaat imaluunniit tuniniarsinnaallugit ilinniartut ineqarfianni najugaqarsimasup akiligassaannik, pigisat piffissaliussap iluani aaneqarsimannngippata. Eqqaaneq aamma pisinnaavoq ilinniartut ineqarfianni najugaqarsimasup najukkani nalunaarutigingippagu, tak. § 47.

Imm. 3. Naalakkersuisut apeqqutaatinnagu imm. 2-mi piffissaliussaq pisussaapput pigisat annertuunik nailillit piffissami sivisunerusumi qaammatit 3-t angullugit sivissuseqartumi paarsarinissaannut, ilinniartut ineqarfianni najugaqarsimasup akiligassaannik.

Imm. 4. Iluanaarutaasut imaluunniit iluanaarutaasimasinnaasut pigisat tuniniarnerisigut ilanngaatigineqassapput Naalakkersuisut ilinniartut ineqarfianniit nuussimasumut piumasaqaatissaanni, pigisat toqqortarisimanerannut aamma attartornermut isumaqtigiisummut tunngaveqartumik ilinniartut ineqarfianni najugaqarsimasumut pisussaaffigineqartunut, tamatumani aamma aningasartuutinut iluarsaatitsinermut, eqqiaanermut attartugaasimasumik, ineqarnermut akiliutissanut akiitsorineqartunut, imaluunniit akiitsunut allanut ilinniartut ineqarfiannut attuumassuteqartunut.

§ 49. Pisortanit, ingerlatsivinnit aamma suliffinnit namminersortunit aalajangiinerit pillugit maalaarutit Inatsisartut inatsisaanni § 8, imm. 2 aamma 3 naapertorlugit Naalakkersuisunut suliassanngortinnejassapput aalajangiisoqarneraniit sap. ak. 2-t qaangiutinnginneranni.

Imm. 2. Maalaarutit §§ 38, 39 aamma 40 naapertorlugit pisut aalajangernermik atorunnaarsitsissapput. Maalaarutit § 41 naapertorlugu pisut aalajangernermik atorunnaarsitsissapput Naalakkersuisut naliliinngippata ilinniartut ineqarfianni najugaqartup ingerlaqqittumik ilinniartut ineqarfianniinera annertuumik inissiamut, ineqartunut allanut imaluunniit allanut ilinniartut ineqarfianniissinnaasunut, tamatumani aamma ilinniartut ineqarfianni sulisunut annertuumik ajoqutaassasoq, tak. § 42, imm. 2.

Imm. 3. Naalakkersuisut malittarisassiorsinnaapput maalaaruteqartarnermut, tamatumani aamma ilusissanik aamma elektroniskiusumik maalaaruteqarsinnaanermut.

Kapitali 13

Atortuulersitsineq, atorunnaarsitsineq aamma piffissamut ikaarsaarfiusumut tunngatillugu aalajangersakkat

§ 50. Inatsisartut inatsisaat manna atortuulerpoq ulloq 1. august 2020, taamaattoq tak. § 51.

Imm. 2. Ilutigisaanik atorunnaarsinnejarpooq Ilinniartut ineqarfii pillugit Namminersornerullutik Oqartussat nalunaarutaat nr. 18, ulloq 1. november 2007-imeersoq, aamma Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi § 3, imm. 3.

§ 51. Malittarisassat §§ 2 aamma 3-miittut ilinniartutut inissamik tunineqartarneq pillugu § 50, imm. 2-mi eqqaaneqartutut najoqqtassani suli ilinniartut ineqarfian ni najugaqartunut atuupput, ilinniartutut inissamik 1. august 2020 sioqqullugu tunineqarsimasunut. Attartornermut isumaqatigiisummik atorunnaarsitsinerni imaluunniit attartornermut isumaqatigiisummik taamaatitsinerni 1. august 2020 sioqqullugu atortuulersimasunik, ilinniartut ineqarfian ni najugaqartoq ilinniartutut ineqarfimmik qinnuteqassaaq Inatsisartut inatsisaat manna tunngavigalugu.

Namminersorlutik Oqartussat, ulloq 12. december 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut